



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda Dioecesis Paderbornensis Rituali Romano accommodata

Hermann Werner <Paderborn, Bischof>

Paderbornæ, 1753


In festo S. Marci & diebus rogatioum.

urn:nbn:de:hbz:466:1-36023

Deinde genuflectant omnes, & duo clerici, vel si non adsint, Pastor ipse, vel alii devoto incipiant Litanias,



KYrie elei son
Chri ste elei son
Ky ri e e lei son.



Chri ste au di nos. Chri ste ex au di nos.



Pa ter de cœ lis De us mi se re re no bis.
Fili Redemptor mundi Deus }
Spiritus sancte Deus } miserere nobis.
Sancta Trinitas unus Deus }



San cta Ma ri a O ra pro nobis.
Sancta Dei genitrix }
Sancta Virgo Virginum. }

In festo S. Marci & diebus rogationum,

Sancte Michaël. }
S. Gabriel. } Ora pro nobis.
S. Raphaël. }

Omnes sancti Angeli & Archangeli, orate pro nobis.

Omnes sancti beatorum Spirituum ordines. orate.

S. Joannes Baptista. ora.

Omnes sancti Patriarchæ & Prophetæ. orate.

S. Petre. }
S. Paule. } Ora pro nobis.
S. Andrea. }
S. Jacobe. }
S. Joannes. }
S. Thoma. }

- S. Jacobe.
- S. Philippe.
- S. Bartholom.
- S. Matthæc.
- S. Simon.
- S. Thadæc.
- S. Matthia.
- S. Barnaba.
- S. Luca.
- S. Marce.

Ora pro nobis.

- Omnes Sancti Apostoli & Evangelistæ
- Omnes Ss. discipuli Domini.
- Omnes Sancti Innocentes.

Orate.

Sancte Stephane.

S. Laurenti.

Ora

S. Vincenti.

Sancti Fabiane & Sebastiane.

Ss. Joannes & Paule.

Orate.

Ss. Cosma & Damiane.

Ss. Gervasi & Protasi.

Omnes Sancti Martyres.

Sancte Sylvester.

S. Gregori.

S. Ambrosi.

S. Augustine.

S. Hieronyme.

S. Martine.

S. Nicolae.

S. Libori ---- ter

Omnes sancti Pontifices & Confessores.

Omnes sancti Doctores.

Orate pro nobis.

S. Antoni.

S. Benedicte.

S. Bernarde.

Ora.

S. Dominice.

S. Francisce.

Omnes sancti Sacerdotes & Levitæ.

Omnes sancti Monachi & Eremitæ.

Orate.

S. Maria Magdalena.

S. Agatha.

S. Agnes.

S. Cæcilia.

Ora pro nobis.

S. Catharina.

Ora pro nobis.

S. Anastasia.

Omnes Sanctæ Virgines & Viduæ.

Orate pro nobis.

Omnes Sancti & Sanctæ Dei.

Intercedite pro nobis.



Pro pi ti us e sto Par ce no bis Do mi ne.

Propitius esto. Exaudi nos Domine.

Ab omni malo libera nos Domine.

Ab omni peccato.

Ab ira tua.

A subitanea & improvisa morte.

Ab insidiis diaboli.

Ab ira & odio & omni mala voluntate.

A Spiritu fornicationis.

A fulgure & tempestate. *

A morte perpetua.

Per mysterium sanctæ incarnationis tuæ.

Per adventum tuum.

Per nativitatem tuam.

Per baptismum & sanctum jejunium tuum.

Per crucem & passionem tuam.

Per mortem & sepulturam tuam.

Per sanctam resurrectionem tuam.

Per admirabilem ascensionem tuam.

Per adventum Spiritus sancti paracleti.

In die iudicii.

Libera nos Domine.

*A flagello terre motus.
* A peste, fame et bello.*



Pec ca to res te ro ga mus au di nos.

Ut no bis parcas, te ro ga mus au di nos.

Ut nobis indulgeas.

Ut ad veram Pœnitentiam nos perducere digneris.

Ut Ecclesiam tuam sanctam regere & conservare digneris.

Ut domnum Apostolicum, & omnes Ecclesiasticos ordines in sancta religione conservare digneris.

Ut inimicos sanctæ Ecclesiæ humiliare digneris.

Te ro gamus audi nos.

Ut

Ut regibus, & Principibus Christianis pacem & ve-
ram concordiam donare digneris.
Ut cuncto populo Christiano pacem & unitatem
largiri digneris.
Ut nos met ipsos in tuo sancto servitio confortare,
& conservare digneris.
Ut mentes nostras ad cœlestia desideria erigas.
Ut omnibus benefactoribus nostris sempiterna bo-
na retribuas.
Ut animas nostras fratrum, propinquorum & bene-
factorum nostrorum ab æternâ damnatione eri-
pias.
Ut fructus terræ dare, & conservare digneris.
Ut omnibus fidelibus defunctis requiem æternam
donare digneris.
Ut nos exaudire digneris.
Fili Dei.

Terogamus audi nos.



Ag nus De i, qui tollis pec ca ta Mun di: Par ce no bis Do mi ne.
Ag nus De i, qui tollis pec ca ta Mun di: ex au di nos Do mi ne.
Ag nus De i, qui tollis pec ca ta Mun di: mi se re re no bis.
Christe audi nos. Christe exaudi nos. Kyrie eleison. Christe eleison.
Kyrie eleison, Pater noster &c.

Ÿ. Et ne nos inducas in tentationem. R. Sed libera nos à malo.

Psalm. 69.

Deus in adiutorium meum intende: domine ad adjuvandum me festina
Confundantur, & reveantur: qui quærunt animam meam.
Avertantur retrorsum & erubescant: qui volunt mihi mala.
Avertantur statim erubescantes: qui dicunt mihi euge, euge.
Exultent, & lætentur in te omnes, qui quærunt te: & dicant semper
magnificetur Dominus, qui diligunt salutare tuum.
Ego vero egenus, & pauper sum: Deus adjuva me.
Adjutor meus & liberator meus es tu: Domine ne moreris. Gloria
Patri &c.

Ÿ. Salvos fac servos tuos. R. Deus meus sperantes in te.

Ÿ. Esto nobis domine turris fortitudinis. R. A facie inimici.

Ÿ. Nihil proficiat inimicus in nobis.

R. Et Filius iniquitatis non apponat nocere nobis.

Ÿ. Domine non secundum peccata nostra facias nobis.

R. Neque

- R.* Neque secundum iniquitates nostras retribuas nobis.
Y. Oremus pro Pontifice nostro N.
R. Dominus conservet eum & vivificet eum, & beatum faciat eum in terra, & non tradat eum in animam inimicorum ejus.
Y. Oremus pro benefactoribus nostris.
R. Retribuere dignare domine omnibus nobis bona facientibus propter nomen tuum vitam æternam. Amen.
Y. Oremus pro fidelibus defunctis.
R. Requiem æternam dona eis domine, & lux perpetua luceat eis.
Y. Requiescant in pace. *R.* Amen.
Y. Pro fratribus nostris absentibus.
R. Salvos fac servos tuos, Deus meus sperantes in te.
Y. Mitte eis domine auxilium de Sancto. *R.* Et de Sion tuere eos.
Y. Domine exaudi orationem meam. *R.* Et clamor meus ad te veniat.
Y. Dominus vobiscum. *R.* Et cum Spiritu tuo.

Oremus.

DEus cui proprium est, misereri semper & parcere: suscipe deprecationem nostram: ut nos & omnes famulos tuos, quos delictorum catena constringit, miseratio tuæ pietatis clementer absolvat.

Exaudi, quæsumus domine, supplicum preces, & confitentium tibi parce peccatis, ut pariter nobis indulgentiam tribuas benignus & pacem.

Ineffabilem nobis domine misericordiam tuam clementer ostende, ut simul nos & à peccatis omnibus exuas, & à poenis, quas pro his meremur, eripias.

Deus, qui culpa offenderis, poenitentia placaris: preces populi tui supplicantis propitius respice: & flagella tuæ iracundiæ, quæ pro peccatis nostris meremur, averte.

Omnipotens sempiternus Deus, miserere famulo tuo Pontifici nostro N. & dirige eum secundum tuam clementiam in viam salutis æternæ: ut te donante tibi placita cupiat, & tota virtute perficiat.

Deus à quo Sancta desideria, recta consilia & justa sunt opera, da servis tuis illam, quam mundus dare non potest pacem: ut & corda nostra mandatis tuis dedita, & hostium sublatâ formidine, tempora sint tua protectione tranquilla.

Ure igne Sancti Spiritus renes nostros & cor nostrum Domine, ut tibi casto corpore serviamus, & mundo corde placeamus.

Fidelium Deus omnium conditor & redemptor, animabus famulorum famularumq; tuarum remissionem cunctorum tribue peccatorum: ut indulgentiam, quam semper optaverunt, piis supplicationibus consequantur.

Actiones nostras, quæsumus Domine aspirando præveni, & adjuvando prosequere: ut cuncta nostra oratio & operatio à te semper incipiat, & per te coepta finiatur.

Omni-

Omnipotens sempiterne Deus, qui vivorum dominaris simul & mortuorum, omniumq; misereris, quos tuos fide & opere futuros esse prænoscis: te supplices exoramus, ut pro quibus effundere preces decrevimus, quosquæ vel præsens sæculum adhuc in carne retinet, vel futurum jam exutos corpore, suscepit, intercedentibus omnibus sanctis tuis, pietatis tuæ clementia, omnium delictorum suorum veniam consequantur. Per Dominum nostrum Jesum &c. *R.* Amen.

Y. Dominus vobiscum. *R.* Et cum Spiritu tuo.

Y. Exaudiat nos omnipotens & misericors Dominus. *R.* Amen.

Y. Et fidelium animæ per misericordiam Dei requiescant in Pace.

R. Amen.

Nota. Absolutis litanis, si nondum perventum sit ad stationem, alii Psalmi pœnitentiales, vel alii lætitiæ non significantes interponantur, ita ut in statione dicatur Pater noster cum reliquis ut supra. Quibus finitis sequens Benedictio tam in Festo S. Marci quam diebus rogationum semper adhibeatur.

BENEDICTIO SEGETUM ET SEMINUM IN FESTO S. MARCI ET DIEBUS ROGATIONUM

KYrie eleison. Christe eleison. Kyrie eleison. Pater noster.
Ave Maria.

Y. Domine exaudi orationem meam. *R.* Et clamor meus ad te veniat.

Y. Dominus vobiscum. *R.* Et cum Spiritu tuo.

Oremus.

Pletatem tuam quæsumus omnipotens Deus, ut has primitias creaturæ, quas aëris & pluvie temperamento nutrire dignatus es, bene + dictionis tuæ imbre perfundas: tribuas populo tuo, de tuis muneribus, tibi semper gratias agere: & à sterilitate terræ esurientium animas bonis affluentibus repleas: ut egenus & pauper laudent nomen gloriæ tuæ. Per Christum Dominum nostrum. *R.* Amen.

Oremus.

Omnipotens sempiterne Deus, arbiter throni: qui molem terræ ex nihilo pendentem gubernas, & ad victum humani generis, corporisq; sustentationem, agros operibus excolere jussisti: misericordiam tuam supplices exoramus, ut quicquid in hos agros salubris feminis satum atque plantatum est, respectu tuæ clementiæ prospicias, & aëris temperiem moderare digneris: ut refecto atq; absorpto omnium tribulorum, atq; spinarum squalore, efficias fruges fecundas, & ad maturitatem perfectam tribuas provenire: ut nos famuli tui uberem tuorum donorum fructum, cum gratiarum actione percipientes, debitas atq; acceptas nomini tuo laudes referre mereamur. Per Christum Dominum nostrum. *R.* Amen.

Oremus.

TE Domine petimus ac rogamus, ut hos fructus feminum, frugum, frumenti, siliginis, hordei, avenæ, ac aliorum cujuscunq; generis existant,

existant tuis oculis ferens, hilariq; vultu respicere digneris. Sicut enim testatus es Moyſi famulo tuo in terra Ægypti dicens: Dic filiis Iſraël cum ingreſſi fuerint terram promiſſionis, quam eis daturus ſum: ut primitias frugum offerant Sacerdotibus: & erunt benedictæ fruges: ita & nos oramus te, Domine: ut auxilium gratiæ tuæ ſuper nos, & hos fructus ad bene† dicendum, proferendum concedas: ut non grando ſurripiat, non turbo ſubvertat, nec vis tempeſtatis detruncet, aëris ſiccitas exurat: non inundatio pluvialis exterminet, ſed incolum es & ſuperabundantes propter uſum hominum ad pleniffimam maturitatem perducere digneris. Per Chriſtum Dominum noſtrum. *R.* Amen.

Oremus.

Domine ſancte Pater omnipotens, æterne Deus: mitte Spiritum ſanctum tuum cum Angelis & Archangelis tuis, & cum eis omnes Sanctos, & electos tuos: ut defendant ſegetes noſtras à vermibus malis & ab avibus, ut magnificetur nomen tuum Deus in omni loco. Per Dominum noſtrum Jeſum Chriſtum filium tuum, qui tecum, &c. *R.* Amen.

Deinde Sacerdos circumeat agros, vel partem eorum, & aſpergat aqua benedicta, dicatq; tandem.

ET benedictio Dei omnipotentis Pa† tris, & Fi† lii, & Spiritus † ſancti, deſcendat & maneat ſuper has fruges. Amen.

In Festo Corporis Christi.

Templum & Altaria optimo ornatu veſtiantur, & viæ ramis & herbis odoriferis ſternantur, parietesq; viarum aulaïs tapetibus & ſacris imaginibus veſtiantur.

Sacerdos pluviali albo indutus circumſtantibus ceroferariis aperit tabernaculum, & omnibus genu ſequentibus ter incenſat SS. & accipit oblongum velum pendens ab utroq; humero, quo manus cooperit, & ſuſcipit ſanctum Sacramentum portans reverenter ante pectus incipit. Tantum ergo Sacramentum datq; benedictione ad illa verba præſtet fides ſupplementum ſenſuum defectui chorus vel ipſe officians incipit pange lingua, & omnibus nudo capite partim antecedentibus partim conſequentibus ſe, ipſe ſub umbella inter faciegeros præcedentibus thuriferariis procedit, & decantantur hymni de venerabili, aliq; devoti Pſalmi.

Ubi ſtationes ſervantur, in quavis ſtatione cantari poterit unum ex ſubjunctis Evangeliiſ & dabitur benedictio cantando hymnos. O ſalutaris hoſtia, vel deſenſor &c.

Finita Proceſſione cum reportatum fuerit, S. Sacramentum ad Eccleſiam Sacerdos illud tenens ut prius ante pectus vertit ſe ad populum & canit Genitori datq; benedictione ad illa verba ſit & benedictio, reponit Sacramentum incenſat & ſubdit.

Y. Panem de cœlo præſtitifti eis alleluja.

R. Omne delectamentum in ſe habentem alleluja.

Deinde ſtans dicit.

Y. Dominus vobifcum. *R.* Et cum ſpiritu tuo.

Oremus.

Deus, qui nobis ſub Sacramento mirabili paſſionis tuæ memoriam reliquiſti: tribue quæſumus, ita nos corporis & ſanguinis tui Sacra Myſteria venerari: ut redemptionis tuæ fructum in nobis jugiter ſentiamus. Qui vivis & regnas per omnia ſæcula ſæculorum. *R.* Amen.

Et genu ſequentes recedit ab altari.

L

Si